

Mostar, 23.11.2015.  
Broj: 4-7-1375/15

## **POZIV SVIM SREDNJIM ŠKOLAMA Marš za klimatske promjene, Mostar, BiH**

U decembru 2015. godine, lideri iz svih dijelova svijeta će se sastati u Parizu na UN-ovoj konferenciji za klimatske promjene. Dvije sedmice će diskutovati i raspravljati o pitanjima zaštite životne sredine u cilju donošenja konkretne, univerzalne strategije za nadolazeće decenije. Važnost ove konferencije ne može biti dovoljno naglašena. Klimatske promjene utiču na sve nas, bez obzira na nacionalnost, religiju ili geografski položaj. Neophodno je da učesnici ove konferencije čuju glas ljudi iz cijelog svijeta.

Važno je da shvatimo da se ovaj problem ne tiče samo ljudi koji će da donesu odluke u Parizu, tiče se svih nas. Moramo napraviti strategiju koja će da stavi pitanja održive energije i smanjenja vađenja fosilnih goriva u prvi plan i uzme u obzir potrebe svih aktera ovih problema. Organizacije, kao što su 350.org, Avaaz i Green Peace, ohrabruju ljude širom svijeta da učestvuju u maršu, da protestuju i iniciraju javne događaje koji će pokazati solidarnost u zahtijevanju progresivne strategije za klimatske promjene.

29. novembra su organizovani marševi u Parizu, Londonu, Njujorku i nebrojeno mnogo drugih gradova diljem svijeta. Ljudi će se također okupljati i u Splitu i Beogradu da pokažu svoju podršku ovom pokretu. Međutim, Bosna i Hercegovina trenutno nije predstavljena. Grad Mostar je bogat mnogobrojnim strastvenim, društveno aktivnim građanima koji bi bili spremni i voljni podržati ovaj pokret ali su, ili neinformisani o marševima u drugim gradovima ili nisu u mogućnosti da putuju do Splita ili Beograda. Mi donosimo marš građanima Mostara.

U nedjelju, 29. novembra, okupljanje će početi na Španskom trgu, u centru Mostara, kao znak pružanja podrške ovom globalnom pokretu. Šetat ćemo do Starog mosta, zatim do tržnog centra Mepas i Španskog trga, čime ćemo uključiti građane s obe obale rijeke Neretve, simbolizirajući solidarnost neophodnu za promjenu.

Okupljanje će početi u 11 sati u nedjelju na Španskom trgu. Dijelit ćemo letke, puštati muziku i okupljati zainteresovane ljude. U 12 sati ćemo započeti marš. Svi učesnici bi trebali biti obučeni u majice “živih boja”, poput plave, zelene ili narandžaste, nositi postere i plakate koji će promovisati našu poruku.

Od velike je važnosti da, ne samo da pomognemo privući pažnju na probleme u vezi sa klimatskim promjenama, već i da pokažemo i Mostaru i svijetu da smo odlučni da osiguramo progresivne strategije za klimatske promjene. Ovo je razlog zašto uopšte organizujemo ovaj marš i učestvujemo u ovom pokretu.

Ciljevi našeg pokreta su:

- da pokažemo bosanskohercegovačku podršku ovom globalnom pokretu
- da pokažemo da su mladi u Bosni i Hercegovini svjesni ovog problema

- da povežemo internacionalne učenike iz Koledža Ujedinjenog Svijeta u Mostaru i lokalne ljude iz Bosne i Hercegovine u stvaranju zajedničkog cilja za stvaranje održive budućnosti

Ovim putem Vas pozivamo da pozovete svoje prijatelje, članove porodice i vaše zajednice i pridružite nam se u nedjelju, 29. novembra, te da pokažemo Mostaru i svijetu da zauzimamo stav, ujedinjeni za zajednički cilj zaštite životne sredine.



UWC Mostar  
Climate March Team